

ORGANIZACIJA DOGAĐAJA RADI ŠIRENJA REZULTATA PROJEKTA

Projekt TEESCHOOLS

U organizaciji Stručne službe za razvoj i međunarodne projekte ZE-DO kantona



Projekt TEESCHOOLS (Transferring Energy Efficiency in Mediterranean SCHOOLS - "Transfer energetske efikasnosti u mediteranskim školama") je projekat odobren u okviru Programa transnacionalne saradnje Interreg Mediteran 2014-2020 (Interreg MED) sa ciljem promocije održivog rasta u mediteranskom području, poticanjem inovativnih koncepata i prakse, te razumnog korištenja resursa podržavajući društvene integracije kroz integrisani teritorijalni pristup koji se temelji na saradnji.

Projekat je odobren u okviru Prvog poziva za modularne projektne prijedloge Interreg Mediteranskog programa 2014-2020 (MED): Prioritetna osa 2 – Podsticanje nisko-karbonskih strategija i energetske učinkovitosti u specifičnim MED područjima: gradovima, ostrvima

i udaljenim područjima, Specifični cilj 2.1 – Ojačati kapacitete za bolje upravljanje energijom u javnim zgradama na transnacionalnom nivou. Vođeci partner u ovom projektu je Italijanska državna agencija za nove tehnologije, energiju i održivi ekonomski razvoj (ENEA). U projekat je uključeno ukupno 14 partnera sa područja Italije, Španije, Grčke, Hrvatske, Kipra, Francuske i Bosne i Hercegovine. Jedan od partnera na implementaciji projekta je i Stručna služba za razvoj i međunarodne projekte Zeničko-dobojskog kantona. Trajanje projekta je 36 mjeseci.

U sklopu realizacije dijela projektnih aktivnosti, dana 04.10.2017. godine na platou Kambarovića polja u sklopu 24. generalnog sajma ZEPS 2017 Zenica, u organizaciji Stručne službe za ra-

zvoj i međunarodne projekte Zeničko-dobojskog kantona, održan je Vanjski događaj „Otvoreni dani projekta“ čija je svrha bila širenje rezultata projekta širom EU za posjetioce sajma ZEPS, predstavnike privrednih subjekata, udruženja i tehničkih partnera koji imaju snažan potencijal da prošire projektnu poruku, kao i za predstavnike javnih institucija sa područja Zeničko-dobojskog kantona. Cilj organizacije Vanjskog događaja projekta je predstavljanje projekta, kao i podizanje interesa kod relevantnih aktera za učešće u budućim aktivnostima projekta. Posjetioci su informisani o prednostima koje će se dobiti renoviranjem škola kao javnih objekata. Vanjski događaj promocije projekta će pomoći u realizaciji budućih aktivnosti projekta na području Zeničko-dobojskog kantona.